

師而還○後漢末曹公圍呂布於下邳引沂泗水灌城

尅之

具兵機務速篇

○陳閩中守陳寶應舉兵反據建安晉安

二郡界水陸爲柵陳將章昭達討之據其上流命軍士

伐木帶枝葉爲筏施栢拍於其上綴以大索相次列營

夾兩岸寶應數挑戰昭達按甲不動俄而暴雨江水大

漲昭達大放筏衝突水柵盡破又出兵攻其步軍寶應

大潰遂尅定閩中○陳將歐陽紇據嶺南反陳將章昭

達督衆軍討之紇乃出柵涯音口多聚沙石以竹籠置

於木柵之外用遏船艫昭達居其上流裝艦造栢拍以

臨賊柵又令軍人銜刀潛行水中斫竹籠籠筏皆解因